

# Hanya pesawat penerbangan komersial miliki kotak hitam

**Kuala Lumpur:** Hanya industri pesawat komersial dipasang kotak hitam sebesar beg bagasi bersaiz sederhana bagi digunakan menganalisis data jika berlaku sesuatu tidak dijangka.

Pesawat tentera tidak memiliki kotak hitam tetapi kedua-duanya mempunyai alat ‘Emergency Locator Transmitter’ (ELT) bagi me-

ngesan kedudukan pesawat jika terhempas di laut atau di kawasan darat.

Pensyarah di Jabatan Kejuruteraan Aeroangkasa, Universiti Putra Malaysia (UPM), Prof Madya Leftenan Kolonel (B) Mohd Ramly Mohd Ajir berkata, kebiasaananya bangkai pesawat tentera yang jatuh di dalam laut tidak diambil kecuali ada

keperluan.

“Dalam kes pesawat MH370, jika pesawat terbabit berada di dalam Lautan Hindi, serpihan perlu dikeluarkan satu persatu bagi tujuan penambahbaikan teknologi di masa akan datang.

“Sebab itu hanya pesawat penerbangan komersial dipasang dengan kotak hitam,” katanya.